

(此意見書原為點字信，以下是中文譯本。)

郊野公園防衛陣線

對「保護瀕危動植物種」嘅意見

——要求追究南生圍屠城責任！——

要保護好野生動植物嘅不二法門，就係「尊重自然法則」。先唔好提港府一路以嚟「倒錢落海兼謀財害命」嘅統治手法，你哋其實明唔明白，大自然環境先係中國「神聖而不可分割」嘅一部分？

我哋一路以嚟，都理解唔到，點解朱掌自然環境嘅政府機關，竟然係冇做好尊重自然嘅職責。之前，有細路喺街邊懷疑比含羞草拮親，而引致市民投訴之後，漁農署竟然選擇以「清場」嘅方式去解決，完全冇理解到自然教育嘅重要性！事實上，香港有好多家長，唔單止過份袒護自己仔女，而且係唔願意做點「身教」嘅職責…更莫講話係長期以嚟「有錢大晒 人類縮晒」咁樣嘅一個陋習。估唔到漁護署竟然選擇去迎合佢哋嘅劣根性；呢啲嘢係第二個國家，已經係同「職務遺棄」，而下場就係——You are fired!

比含羞草拮親，固然有會去申告，但我哋更加估唔到，連木棉花落木棉，竟然都會有議員去政府機關投訴——最離譜係佢哋居然照做！

你唔會去投訴吓夏天天氣點解咁熱；你唔會去投訴櫻花花瓣飛到通街都係；你唔會去投訴牛郎織女星點解一年先見一次；你亦都唔會因為香港挖唔出石油，而投訴經濟部…

而我地估唔到，康文署竟然為左 response 某部分民眾嘅無理要求，而貿然斬起啲樹——跟手仲殺死埋樹上面嘅雀巢、同埋無辜嘅雀仔！我先唔講你哋去 tackle 投訴嘅手法，要開始之前，點可能連「查家宅」咁基本嘅野都做漏左嘅呢？（你唔記得又好、故意做漏又好，我唔理）

要知道，改變世界嘅機會，肯定唔係屬於我嘅；但我可以好確實咁講明比你聽——南生圍絕對唔係專屬於任何人嘅！佢，係屬於人類社會每一個人所共同擁有嘅自然兼人民嘅生命共同體！

依家，佢遭受左一場火劫…唔係，係(大屠殺)至啱！呢場縱火案，引致嘅死傷自然不在話下，估唔到警隊竟然可以令慘劇一再發生，而且事件過去成個月，都捉唔到個殺人魔出嚟，我哋因此強烈懷疑，警隊係唔係有意縱容——唔係，係「默許」先係——呢場生態浩劫嘅發生；甚至，我哋唔會否定，呢個係一宗涉及(中國民族主義)及具扼殺人利益嘅大規模族群滅絕事件！

過去兩年，香港有好多有見地嘅精英，同好多野生生物一樣咁，遭受政權 DQ 嘅命運。而我地最敬畏嘅許智峯同埋鄭松泰議員，係香港環境運動嘅先鋒同埋榜樣，如果佢哋又試遭到「取消資格」嘅話，實屬親建制議員你哋嘅不幸！

「山光水色美而秀，願美麗莫污染」

「山水之間種靈氣，願清新莫改變」

呢兩段歌詞，唔淨止係香港著名嘅環境保育民歌——更係我嘅母語。

廣東話係我母語
大自然係我真正嘅祖國

郊野公園防衛陣線

2018 年 5 月